

Истиқлол қаҳрамонлари

---

**АБДУРАУФ  
ФИТРАТ**

---

**ТАНЛАНГАН  
АСАРЛАР**

# ДРАМАТИК АСАРЛАР

## ЧИН СЕВИШ

Ҳинд ихтиолчилари турмушиндан олинған

5 пардали ишқий-ҳиссий фожиадир

### КИМ САЛАР

Нуриддинхон — файласуф табиатли, 35 яшар ўқумиш(ли) бир йигит. (Ҳинднинг ўртаҳолли кишилариндан.)

Аҳмадхон — 25 яшар ўқумиш(ли) бир йигит (Нуриддиннинг ииниси.)

Сарвархон — ўқумишли бир йигит (Нуриддиннинг ўртоғи.)

Зулайҳо — 16 яшар, ўқумиш(ли) бир қиз.

Фотимахоним — Зулайҳонинг онаси.

Каримбахшхон — Зулайҳонинг отаси.

Зайнаб — хизматчи хотун.

Раҳматуллоҳхон — ўқумиш(ли) бир бойбача (25 яшар).

Вилям — инглиз юзбошиси.

Зиндончи, чериклар<sup>1</sup> юзбошилари.

Аюбхон, Шерхон, Фуломҳайдар — Раҳматуллоҳхоннинг ўртоқлари.

Шукруллоҳ — Раҳматуллоҳхоннинг хизматкори.

Воқеа Ҳиндистоннинг Дехли шаҳрида

### БИРИНЧИ ПАРДА

Эрта билан Учмоҳ кўрунишли бир боғча. Ўртада узун бир мосонинг теграсинда ўрундиқлар қўйулған. Оғоч тагинда қўйилған бир ўрундида Зулайҳо қизил ипакли бир кўйлак билан ўтурибдир. Қўлинда кичкина бир битик.

Зулайҳо. Кўб қизиқ ҳоллари бор шу Нуриддиннинг!.. Надир тангirim? Бояқиши йигит тушунчадан айрилмоқдадир... ўйладидир... ўйладидир!.. Нечун ўйладидир? Бошқалар каби нечун кулиб ўйнамайдир? Дарди нима? Нима истайдир? Буларни тангридан бошқа ким биладир?..

Онам эсли бир хотундир. Бир кишини кўрдими, юрагинда яшурин бутун тушунчаларини онглаб олар. Бироқ Нуриддинга келгач, онам даҳи шошиб қолади. Онамнинг айтишига қараганда, Нуриддин бир кишини севган эмиш. Шунинг хаёлига берилған эмиш...Кимни?.. Мана шунисини онам даҳи онгламай қолмиш!..

Йигит бизникига келадир... Нечун? Мархум отасининг қалин ўртоғи бўлған дадамни кўрмак учун келатургандир?! Бироқ отамга салом бериб, онамнинг қўлини ўпгандан кейин, бир ерда ўтурадир... ўтурадир... ўтурадир... Отам: «Қалайсан, ўғлим» дегач, куч билан «Тангрига шукур» дея оладир. Онам бу ҳолни кўриб: «Ўғлим, Нуриддин, бироз гапурсанг-чи? Нечун бунча қайгуриб турасен?» дедими, иш битди. Икки кўзи икки булоқ каби вижирлаб ёш чиқарадир. Сонийким, бизга гапурмаслик учун деворға қарайдир. Ёслигини чиқариб кўзларини артгандан кейин ота-онамнинг қўлларини ўпиб чиқиб кетадир. Бу ҳолдан онамнинг юраги эриб қоладир. Отамға қараб, мунгли бир товуш билан «Бечора йигит, дарди ёмон» дейди... Отам йиғлар бир товуш билан «Нима қилай ...дардини англатмаса... Дардини англасайдим, чорасиға киришар эдим» деб жавоб қайтарадир. Лекин бу бечоранинг дардини ким онглар?.. Онамнинг сўзига қарағанда, Нуриддин бир кишини севган эмиш... Кимни? Буни билиб бўлмайдир. (*Қўлини қўкрагига қўйиб.*) Тўғриси, меним-да юрагим шу йигитнинг ҳолиға ёна бошлади. Унинг кўзёшларини кўриб, меним-да йиғловим келадир. Шунга ёношмок<sup>2</sup>, гапурмак, дардини онглаб, кўнглини овутмоқ истарам, бироқ менга сира гапурмайдир!..

Ўтган жума куни онам Зайнабни олиб ҳаммомға кетмишди. Уйда мен билан отам турар эдик. Нуриддин келди. Отам уни ёнимға қўйиб, жумъа намозига кетдилар. Мен вақтни ғанимат топиб, Нуриддинға ёндошдим, ҳолини сўрдим, гапурдим, бир нарса онглаётмадим. Тушунди, ўйлади, йиғлади. Мен ҳам чидай олмадим, йиғладим. Кўрдимки, бўлмайдир, сўзни бошқа тарафга кўчирдим: «Ўқуғали китобларингиз борми?» дедим. «Бор» деди. «Биронтасини менга берингиз» дедим. Шуни эшифтгач, кўзлари қоронғу кеча чақинлари каби ялтиллаб кетди. Шу сўзимдан бироз суюнганини сездим. Лекин яна эски ҳолиға қайтиб қолди. Отам келгач, рухсат олиб кетди. Шу кундан бери юрагимда буюк бир армон туғилди. Ишқилиб, Нуриддинни севинтирумак фикрига тушдим.

Тунов куни шу китобни берди. (*Китобнинг бир мақоласини очиб*). Мана шу ерда бир шеър ёзилмиш. Ўтли бир шеър ўқуғанча, ҳар бир сўзи чўғ, олов каби юрагимга ёпишадир. Ёзув ўзиники, шеър ўзиники. Шеърнинг билдиридиги ахвол ҳам ўзиники (*шеърни ўқий бошлар*):

Кўз ёшларим бугун тағин оқарми?  
Қизил гулим ўзгалара кулар-да,  
Гўзал қушим учиб-учиб ўтар-да,  
Кулибина мен сари ҳам боқарми?

Қизил гулим, — борлиғимни(нг) султони!  
Жоним, сенинг хаёлингдан кучайди  
Юрагимнинг энг қимматли армони,  
Нечун менга марҳаматинг озайди?

Икки кўзим, малак юзим, севдигим,  
Жонлар сенинг юзгинангдан айлансин.  
Қизил гулим, қора кўзим, малагим,  
Дунё сенинг боқишингдан ўргулсан.

Қандоқ қилай, юзингга ҳеч боқолмам,  
Кўнгил дардин оёғингга тўколмам.  
Тупроқ каби йиқилмишам йўлингда,  
«Малак юзим, ҳолимни сўр!» деёлмам.

Истар эсанг, менга келиб гапурма,  
Ёнимда ҳеч ўтурма!  
Ёлғиз йифлаб турганимни узоқдан  
Кўрганингда... марҳамат эт, бир оз кул.

(Китобни юрагига босиб.) Оҳ, Нуриддин, кимга айтасан буни? Сен йифлар экансан, ким кулсин? Йўқ, янгиша-сен, хон!.. Сен йифлар экансен, бутун дунё йифлар...

Оғочлар орасидан бир кишининг келганини кўриб, китобини мосоға кўяр. Бир оздан сўнг Раҳматуллоҳон оврупача кийинган ҳолда келар. Зулайҳоға тугал бир қуллуқ қилғандан сўнг, келиб кўришар.

Раҳматуллоҳон: Хоним, қандай яхши бир ҳолингиз бор!..

Зулайҳо. Шундайми?

Раҳматуллоҳ. Учмоҳ каби бир боғчада, яшил япроқларнинг ингичка кўлагалари остинда япроқлардан ўтиб тушган қуёш ёруғи каби ўтуришингиз дунёдағи энг яхши кўрунишларнинг биринчисидир. Шунча гул туслари билан булбул ўқушларига боқмай, китоб мутолаасиға берилишингизни кўрганлар, туришингизни тасвир этмак учун тангридан шоирлик истайлар.

**Зулайҳо.** Ҳа, янами шоирлиғингиз тутди, хон?

**Раҳматуллоҳ.** Кечирасиз, сизнинг шу турушиңгизни тасвир этиб, бутун дунё кишиларига билдира олмоқ учун шоир бўлмоқ керак эмиш, шоир бўлғаним учун тангрига шукур қиласен.

**Зулайҳо.** Кўб яхши, шоирлиқ буюк бир ҳунардир.

**Раҳматуллоҳ.** Бироқ шоирларнинг-да, энг буюги ўз шеърларини сиз кабиларга ўқута олғани бўлса керак.

**Зулайҳо.** Чин шоирларнинг булбул ўқушлари каби юракдан қўбған шеърларини ким ўқумас?..

**Раҳматуллоҳ.** Шу эрта билан сизнинг қуёшдан бурун чиқиб, шу боғчада ўтуришиңгизни кўрган гуллар, оғочлар ва япроқларнинг ҳар бири даҳи бир шоир бўлған ва ҳар бирининг юрагиндан турли шеърлар қўбған бўлса керак. Бироқ, ишонмайинким, буларнинг шеърларини ўзингиздан бошқа кимса онгламағандир.

**Зулайҳо.** Хон соҳиб! Эрта билан боғча қопусидан келасиз, бирор муҳим хизматми бор?

Зулайҳонинг бўйла муносабатсиз сўзидан Раҳматуллоҳнинг кайфи қочған каби бўлса ҳам сўзини яна эски йўлда юритмоқчи бўлур.

**Раҳматуллоҳ.** Биласизки, эрта билан боғга гул термак учун келарлар.

**Зулайҳо.** Афу этасиз, хон соҳиб! Отамни кўрарга келган бўлсангиз, уйдадирлар.

**Раҳматуллоҳ (ўзини йигиштириб).** Борми? Мен ҳам у кишини кўрмакчи эдим.

**Зулайҳо.** Буюринг, Зайнабға билдиринг, хабар берсун.

**Раҳматуллоҳ.** Бош устина, хон, хоним! (*Уйга кириб кетар.*)

**Зулайҳо.** (*Раҳматуллоҳнинг кетидан қарагандан кейин.*) Қизиқ ишлари бор шу йигитларнинг!.. Совуқми, совуқ. Нуриддиннинг бу китоби мана шундай йигитларнинг совуқ кулмаки учун ёзилған эмиш, тўғридир. Булар гўзал кийинмак, гўзал кўринмак, яхши юрмак ва яхши гапурмак учун кўб тиришалар, лекин бу ишларнинг бирортаси ҳам яхши бир тушунча эмас. Буёвға олданур қизлардан бирини олдамоқ учундир. Шу китобдаги ҳикоятда шундай бир ишни кўрсатадир. Мана шундай майин қилиқли бир йигит онгсиз бир қизни ёлғон сўзлари билан олдаб олғандан кейин уни қўйиб, бошқа бирининг кетидан тушған, уни ҳам олғандан сўнг яна бошқасиға тузоқ қурған эмиш.

Зайнаб бир суфра ўртусини олиб келар, Зулайҳо салом берар. Китобни оstdan олиб, ўртуни ёйгандан сўнг яна китобни қўяр.

Зайнаб. Самовар қайнади, хон соҳиб, чойни боғчада ичгайми?..

Зулайҳо. Келган қўноқни кўрдингми?!

Зайнаб. Раҳматуллоҳонними?

Зулайҳо. Ҳа!

Зайнаб. Кўрдим. Хон соҳиб билан-да кўришди (*кетар*).

Зулайҳо (ўзи.) Демак, бу чой зиёфати унинг учун?..  
(Зайнаб чой асбобини келтирап.) Ҳа, сен бошқа нарсаларни кетур, мен буларни тузатайин.

Зайнаб кетургандарини қўйиб кетади. Зулайҳо истиканларни тузатиб туар. Зайнаб самоварни келтириб қўя берар.

Келдиларми?

Зайнаб. Ҳозир келарлар. (*Чиқиб кетар*.)

Эшикдан Фотимахоним, Каримбахшон, Раҳматуллоҳ кириб келалар.  
Зулайҳо салом берар.

Каримбахшон. Мана, қизим ҳам шу ерда эмиш.  
Қўб яхши. (Раҳматуллоҳга ер кўрсатиб.) Буюринг, ўғлим.

Раҳматуллоҳон ўтирап. Каримбахшон билан Фотимахоним ҳам ўтираплар. Зулайҳо чой сузид берадир.

Каримбахшон (*Раҳматуллоҳга*.) Қани, ўғлим, нима хабарлар бор? Англиз газетларинда бирор нарса ёзилғанми? Бизнинг Ҳиндистон тўғрусинда нималар дейлар?

Раҳматуллоҳ. Аҳвол қўб яхши борадир, хон соҳиб. Ҳиндустонга эрк бермакчи эканлар, «Таймс» газетаси ҳам Ҳиндустонга эрк беришни кераклик топадир.

Каримбахшон. Ў... кўз тегмасин, яна бирор ёмон тушми кўрдилар?..

Раҳматуллоҳ. Хон соҳиб, оврупалиларда адолат тушунчаси кучлидир. Ҳусусан, англиз миллати қўб эркчидир. Ҳиндустон эркина қарши турмаслар, деб ўйлаймиз.

Каримбахшон. Янглишасиз, ўғлим. Адолат тушунчаси деган нарса Оврупа юрагина кирмас, бу ўғурули қуш у қоронғу ерларда янглишиб кирса ҳам бўгулиб қолар, яшай олмас.

Раҳматуллоҳ. Оврупада билим ошиб кетгандир. Билими шунча ошган улуснинг юрагинда адолат яшай олмасми?

**Каримбаххон.** Оврупада билимнинг ошганини билмаған борми? Оврупада билим бор, лекин инсоф йўқ. Оврупанинг билими қоплоннинг тиш-тирноғи каби бир нарсадир. Кучсизларни йиртиб емак тўғрисинда кўб иш кўзламишдир.

**Фотимахоним.** Хон, сизнинг кўб қизиқишиларингиз бор.

**Каримбаххон.** Нима қилдуқ, қани?

**Фотимахоним.** Бу кунгача Оврупада ўқумоқни мақташдан тилингиз тинмас эди. Оврупа билимларини ўрганмакни керак топқон эдингиз, букун у сўзларингиздан қайтиб қолибсиз.

**Каримбаххон (кулиб).** Қайтғаним йўқ. Оврупа билимларини ўрганмак, албатта, керакдир. Оврупада ўқумоқ, овруполиларни инсофли, адолатли деб мақтамоқ учун эмас, унлардан ўзимизни сақлагани, тишли, тирноқли бўлмоқ учун керакдир. Бирда шуни билмак керакки, инсофсизлик билимда эмас, Оврупададир. Оврупада ўрганиб келган билимларни кишилик дунёсининг юксалиш ва тинчлиги йўлига ишлатмак қулайдир. Бутун Оврупа мусулмоннинг ёвидир, ёвларнинг энг буюги, энг кўрқинчлиси англиздир. Буни билмак ҳар бир мусулмон учун керакдир.

**Рахматуллоҳ.** Мен Англетарада<sup>4</sup> шунча ўқудим, ўқучилари, ўқутучилари, ёзучилари, файласуфлари билан кўришдим. Бирортасидан сиз айтган ёвлиқни сезмадим.

**Каримбаххон.** Англизнинг буюк ҳунари шундадир. У бизнинг энг ёмон ёвимиз бўла туриб, ўзини энг яхши дўстимиз каби кўрсатадир. Гольдстоннинг Қуръонни кўрсатиб: «Бу бор экан, биз яшай олмаймиз» деганини билмаған борми?

**Рахматуллоҳ.** Хон соҳиб, ёлғуз Гольдстоннинг янглиш сўзи учун бутун англизларга ёмон қарамоқ тўғри бўлмаса керакдир? Англиз ҳукуматининг пойтахтинда «Иттиҳоди ислом» жамияти бор. Англиз катталариндан йилда иккичутаси мусулмон бўлиб турадир. Бу янги мусулмон бўлган англизлар ўзлари учун мачит ясайдилар. Мана шу ишлар кўрсатадирким, англизлар мусулмон ёви эмаслар.

**Каримбаххон.** Янглишасиз, ўғлим! Англизларнинг мачит ясамоқлари Каъбани бузмоқ учундир. Кўп алданманг. Йилда бир-икки улуғ англизнинг мусулмон бўлиши ҳам ёлғондир. Бундан неча йил бурун Султон Абдулҳа-

мид<sup>5</sup> замонида бир инглиз Истанбулға келмиш, мусулмон бўлмиш. Абдулҳамиддан «Лондонда шайх ул-ислом вакили» деган мансаб олиб кетмиш эди. Биз кўб вақт: «Лондонда шайх ул-ислом вакили кимга керак экан» деб кулган эдик. Сўнгра англадикким, бу-да ўйин эмиш. Англизлар бутун ислом ҳукуматларини битирғандан кейин ислом ҳалифалигини ўз қўллариға олмоқ учун йўл очиб турар эмишлар. Англизларға ишонмоқ ўзимизни битирмақдир. (*Эркисизгина қўлини узатиб, китобни олар, бир муқовасини очиб шеърни кўрар, эс қўюб ўқий берар.*)

Фотима. Яна мутолааға бериладилар.

Каримбахшон (*Зулайҳога*). Қизим, бу китоб кимники?

Зулайҳо. Қайси куни Нуриддинхондан бир китоб истаган эдим, шуни юбормиш.

Раҳматуллоҳ. Албатта, яхши бир китоб бўлса қерак, хон соҳиб! (*Олиб кўрмак учун қўл узатмоқчи бўлур.*)

Каримбахшон (*китобни ёниб қўяр*). Билдигингиз рўмонлардан биридир.

Зайнаб кирав, янги келган бир кишининг карточкасини келтириб Каримбахшонга берар.

Каримбахшон (*карточкани ўқиб*). Айт, буюрсинлар (*Зайнаб чиқар, Раҳматуллоҳга.*) Сарвархон келмиш. Танимайми уни?

Каримбахшон. Яхши бир йигитдир. Оврупада таҳсили ҳам яхши бўлған эмиш.

Сарвархон салом бериб кирав.

Мана, келди ўзи. Кел, ўғлим, кел. (*Кўришадирлар, ер кўрсатиб.*) Буюр, ўғлим.

Сарвархон ўтирав. Раҳматуллоҳ унинг келишидан мамнун бўлмағанга ўшаб турар.

Кўролмай қолдик, қаерда қолдинг, ўғлим?

Сарвархон. Афу этасиз, хон соҳиб! Бу дафъа зиёратингизга кўб кеч келдим.

Каримбахшон. Ҳар гуноҳингни афу эта оламан. Лекин шу келмасликни афу эта олмайман: гуноҳинг кўб улуғдир. (*Кулар.*)

**Сарвархон.** Хон соҳиб, сизнинг афуингиз буюқдир, буюқ афулар буюқ гуноҳлар учундир. Кичкина гуноҳларни афу этмак ҳар кимнинг кўлидан келадир.

**Каримбахшон.** Сен кўб мантиқ сотасен, Сарвархон. (Зулайҳога.) Ҳайда қизим, бунга чой бер.

**Сарвархон.** Куллуқ, тақсир!

Зулайҳо чой берар.

**Каримбахшон.** Сарвархон, янги хабарларни эшиг-мадингми?

**Сарвархон.** Йўқ, қандай хабарлар эмиш?

**Каримбахшон.** Англизлар Ҳиндустонға эрк берар эмишлар.

**Сарвархон.** Қўрқарам, Ҳайдаробод, Деҳкан, Туркия ила Афғонистон ҳукуматини ҳам битурмакчи бўлмағайлар.

**Каримбахшон.** Ишонмайсан-а?

**Сарвархон.** Хон соҳиб, англизларнинг текин эр克拉-ри бор эса Ирлонияга<sup>6</sup> берсунлар.

**Раҳматуллоҳ** (буюқ бир катталик билан). Бугун дунё-нинг энг улуғ газети бўлган «Таймс» даҳи шуни ёзадир.

**Каримбахшон.** Бунга нима дейсан?!

**Сарвархон.** Хон соҳиб! Биз мусулмонлар, ёлғузина алданмоқ учун дунёга келибмиз, чоғи... Бўйла ишчимиз, мулламиз, шогирдимиз, ёзучимиз, ўқитучимиз, шоири-миз, файласуфимиз, каттамиз, кичигимиз Оврупанинг газетига, китобига, сўзига, ишига, қонунига, воизига, олтуни, қизилиға алданмоқдан бўлак ишни билмайдир... «Таймс» демиш эмиш. Дея берсин. «Таймс»нинг мусулмонларни алдамоқдан бошқа иши борми? Бутун Оврупанинг ройиши бизни алдамоқ эмасми?

**Раҳматуллоҳ.** Оврупа бизнинг устозларимиздир. Мен билан сиз нима ўрганишиш эсак, Оврупадан ўргандик. Оврупанинг фазилатини инкор этмак бизга ёқмас.

**Сарвархон.** Мен нима дедим? «Оврупадан бир нарса ўрганмадим» деган ким? Мен ҳар нарсани Оврупадан ўргандим. Оврупанинг инсофисизлигини-да ўзиндан ўргандим. Мен Оврупанинг фазилатини инкор этмаям. Оврупанинг буюқ бир фазилати кучсизларни алдаб, қонларини эммақдир. Оврупада инсоф ва адолат деган нарса йўқдир.

**Раҳматуллоҳ.** Нима қилди, инсофисиз бўлиб?!

**Сарвархон.** Нима қилдими? Буни онгламоқ қулай? Франса Тунис ўлкасини турк ҳукуматидан тортиб олди<sup>7</sup>. Букун Тунис арабларининг энг буюқ шайхи бир франсўз

итига тош отгани учун осиладир. Буми инсоф?! Жова ўлка-синдаги Фламанг килисоларинда<sup>8</sup> кунда неча йўлда қўнғироқ чалинар экан, мусулмон мачитлариңда азон ўқумоқ қатағондир. Жова мусулмонлари намоз вақтларини белгиламак учун икки тахтани бир-бирига урарлар. Буми фазилат?! «Тираблуси ғарб»да нонини сувга ботириб егандан кейин девор кўлгасинда узаниб, тангрисиндан бошқа нарса тушунмаған ёзусиз араб Италия тўпларига боғланадир. Буми илм?!

Каримбахшон. Кўб узоқларга тушдинг, ўғлим! Бутун англизларни тўйдириб турган Ҳиндустаннинг ерли улусиндан йилда неча мингларчаси очликдан ўлиб кетадир. «Буми инсоф» десанг-чи? Бутун Оврупада англиздан ёмонроқ ёвимиз йўқдир. Шунинг учунми, неча сиёсий кишилар, мусулмоннинг англиздан кутулиш учун Олмон кучофина олинишини лозим топмиш эдилар.

Сарвархон. Хон соҳиб! Мусулмонлар учун Оврупанинг қайси давлати фойдалидир, деб тушунмак янглишдир. Менга қолса, биз бутун мусулмонлар мундан кейин мана шундай тушунамиз. Оврупадан фойда кутайликми? Йўқми? Албатта, барчамиз шу тушунчанинг бир ёғинда тўплана олмасмиз. Буюк бир бўлагимиз: «Йўқ, Оврупадан бизга фойда йўқдир» деб ишнинг ичиндан чиқалар. Бир бўлагимиз бутун умидларини уза олмай: «Оврупадан фойда кутайлик, лекин англизданми, олмонданми эмас, бутун Оврупанинг социалистлариндан» деб қолалар.

Фотима. Файласуфни кўринг! Сен ўзинг қайси бўлагинда қолурсен?!

Сарвархон. Мен, албатта, биринчи бўлакда қолурман. Чунки Оврупадан фойда кутганлардан эмасман.

Фотима. Сенинг бу файласуфликларингни кўргач, эсимга тушди, бизнинг файласуфимиз Нуриддин нечун келмайдир.

Каримбахшон. Ҳа, дарвоқеан, Нуриддин қалайдир? Ҳеч кўрасенми?

Сарвархон. Оқшом шунинг ёнинда эдим, билганингиз каби турадир. Ўзгариш йўқ.

Зулайҳо эс кўяр.

Каримбахшон. Нимадир бу йигитнинг кори?

Сарвархон. Кимсага билдиримайдир?

Каримбахшон. Ўзи ишлайдирми, йўқми?

Сарвархон. Бурунгидан ортиқ ишлайдир. Бир, икки китоб ёзди, шеърлар ёзиб турадир. Ёлғиз қайфуси узулмай-

дир, ишларни битиргандан сўнг бир қўлтиқда туриб тушунмакдан бошқа нарсани билмайдир. Йиғлаған чоғларида бўладир.

Каримбахшон. Сен ўзинг нима дейсан? Бирор нарса сездингми, шунинг ишиндан?!

Сарвархон. Сезсам-да, фойдаси йўқ, негаким, очик бир нарса ўртада йўқдир.

Каримбахшон. Ёзувлариндан бирор нарса чиқмайдирми?

Сарвархон. Шу ёзувлариндан бир нарса чиқармоқ бўлар: у-да, усти ёпиқ бир нарса!

Каримбахшон. Масалан, шеърлариндан...

Зулайҳода ўзгариш.

Сарвархон. Менда шу шеърлариндан бир нарса сезганмен. Нуриддин ишқ йўлида кўб шеър ёзадир.

Каримбахшон. Ўзидан сўрамайсенми?

Сарвархон. Сўрамоқ билан айтмайдир?

Фотима. Бечора Нуриддин.

Каримбахшон. Тангри кўмакчиси бўлсин! Зулайҳо, хонларга чой берсанг-чи?

Раҳматуллоҳ. Етар, рухсат берсангиз кетайин.

Сарвархон. Менга ҳам рухсат берсангиз, хон соҳиб!

Каримбахшон. Шундайми? (*Раҳматуллоҳ ва Сарварга қўл бериб хайрлашадир.*)

Фотима (*Раҳматуллоҳнинг қўлини олиб*). Хон! Бу кун тузукроқ кўриша олмадик: гурунгимиз бутун фалсафа билан ўтди. Яна келурсиз, албатта?

Раҳматуллоҳ. Албатта, келаман, хоним!

Сарвар. Хай (р).

Каримбахшон. Хай, яхши кетингиз!

Сарвархон, Раҳматуллоҳ. Яхши қолингиз.

Сарвархон билан Раҳматуллоҳ кетарлар.

Каримбахшон. Қизим, бориб Зайнабни чақир. Келиб буларни йиғиштирсинг

Зулайҳо китобни олиб кетар.

Фотима. Хон соҳиб! Мирзо Раҳматуллоҳнинг ишини нима қиласиз?

Каримбахшон. Бир оз сабр қилиш керак, хоним!

Фотима. Сабрнинг бир сўнги йўқми?! Бундан яхшироқ күёвни қаердан топармиз? Улуф ва бой кишининг ўғли, ақчаси милйўндан ошған.

**Каримбахшон.** Отасининг улуғлиғига ишим йўқ: қиз отасига берилмас, берилса күёвга берилур. Оқчасининг милийўндан ошғанига қараманг! Қизимиз сотилмас.

**Фотима.** Сиз нимасига қарайсиз??

**Каримбахшон.** Мен ўзига қарайман!

**Фотима.** Ўзига нима бўлубдир, ёмонми?!

**Каримбахшон.** Менга мақбул. (*Кулиб.*) Лекин у мени эмас, қизимни истайдир.

**Фотима.** Онглаёлмадим.

Зайнаб кириб, чой асблоларини олиб кета берар.

**Каримбахшон.** Демак, истарамки, қизимизга ҳам мақбулми, йўқми? Шуни билмак керак.

**Фотима.** Албатта, мақбулдир. Бўлмаса, сиз икки сўз билан уни йўлга кетиарсиз.

**Каримбахшон.** Хоним! Бир оз сабр қилсан, Раҳматуллоҳдан ҳам яхшироқ чиқиб қолса керак.

**Фотима.** Кимдир у.

**Каримбахшон.** Масалан, Нуриддин!..

**Фотима.** Эҳ-ҳее... у қайфу тўлимигами<sup>9</sup> қиз берарсиз?

**Каримбахшон.** Қизимизни олғач, қайфуси битмасми?

**Фотима.** Яна онглай олмадим?

**Каримбахшон (кулиб).** Жоним! Бугун нега онглай олмас бўлиб қолдинг? «Нуриддин бир қизни севмишdir» деган сен эмасми эдинг?

**Фотима.** Албатта, бир кишини севмишdir, лекин Зулайҳони эмас!..

**Каримбахшон.** Зулайҳонинг кўлиндағи китобнинг муқовасинда бир шеър ёзилмишdir. Китоб Нуриддинники эмиш. Шеър ҳам уники. Мен шуни ўқифач, кўб яхши кўрдимки, Нуриддиннинг севгилиси бизнинг қизимиздир.

**Фотима.** Тангри кўрсатмағай. Нуриддин қизимизни истаса ҳам, қиз уни истамас. Негаки...

**Каримбахшон (сўзини кесиб).** Уни билмайман, ёлғиз шуни истайманки, сабр қилинг. Нуриддин Зулайҳони истамаса, Раҳматуллоҳфа рози бўлса, Раҳматуллоҳницидир. Йўқса, сабр қилиш керак. Ҳайда, кетайлик...

**Фотима (турраб).** Ҳар ҳолда қизимизни Раҳматуллоҳфа бериш керакдир.

Чиқиб кетарлар.

Парда тушар.

## ИККИНЧИ ПАРДА

Кечат. Раҳматуллоҳнинг уйи. Оврупача ясанған Раҳматуллоҳ ёзув мососи ёнинда китоб ўқиб турад.

Раҳматуллоҳ (*китобни ёниб қўяр, бир қўли билан кўкрагини тутиб*). Уфф... Нима қиласай-а? Шу қизни олмай қолған киши қандай яшар экан?.. Қўлимдан келганини қилдим. Фотимахонимга ёлвордим, кўб армуғонлар, ҳадялар бердим. Зайнаббиға ҳам ҳар кўрганимда эллик, олтмиш рупия оқча бериб турибман. Қизнинг ўзи билан кўришгандага ҳам қанча шоирона сўзлар айтаман... Ёниб шеърлар ўқийман. Қайси кун йиғлаганим ҳам бор. Фотимахонимга дардимни англата олдим. Бу хоним қизини мендан бошқа кимсага бермас. Зайнаббиғи ҳам қизни менга исиндургани тиришмоқчи бўлди. Лекин қизнинг оғзидан бирор сўз ололмадим. Шунча қиласмен, оғиз очмайдир. Тош каби турадир, вассалом.

Шукруллоҳ киради.

Шукруллоҳ. Хон соҳиб, Айюбхон келдилар.

Раҳматуллоҳ. Ёлғузми?

Шукруллоҳ. Фуломҳайдар ҳам бор.

Раҳматуллоҳ. Кўб яхши, келсунлар. (*Шукруллоҳ чиқар. Раҳматуллоҳхон ёзув мососиндан лампани олиб, ўртадаги мосога қўяр.*) Кўб яхши бўлди, шуларнинг келишлари. Бир оз гурунглашиб олайлик, энди.

Айюбхон билан Фуломҳайдар салом бериб кираплар.

Айюбхон. Ишларингиз лат емагай, хон соҳиб!

Кўришурлар.

Фуломҳайдар. Сиз туташ уйдами ўтирасиз, хон соҳиб? Ташқари чиқмоқ, боғчаларда кезмоқ йўқми?

Раҳматуллоҳ. Ҳар кун чиқар эдим, ўртоқ! Шу кун недандир чиқолмай қолдим.

Айюбхон. Шоирнинг ҳоли шудир! Бир шеър ёзгуси келдими, соатларча уйда қамалиб турадир, чиқмайдир. Шу кун чиқмағандан Раҳматуллоҳоннинг ҳам бир шеър ёзғани онглашиладир.

Раҳматуллоҳ. Тўғридир. Бир вақтлар шеър ёзмоқ учун ҳам қамалиб қолғаним бор. Лекин шу кун шеър ёзмоқ учун қолмадим. Шу кунларда шеър этмак учун ёзғичим ҳам юрмайдир.

**Фулом ҳайдар.** Нечун? Қани, яна нима бўлди?

**Раҳматуллоҳ.** Нима бўлсун, ишқ-да?

**Айубхон.** Ҳо-ҳо-ҳо... Шоирларнинг ёзғичини юритган ишқдир! Ошиқ бўлғанинг учун шеър айта олмас ишми бу?!

**Раҳматуллоҳ.** Кулма, қардош! Ҳолим қўб ёмонлашиб қолған, шу қизни олмоқ тушунчалик миямни тўлдирмиш. Шундан бошқа нарсани ўйлаётмайман. Шуни ололмасам, ўлиб қолурман. Ўлиб қолмасам-да, ўзимни ўлдиришим аниқ...

**Фулом ҳайдар.** Тангри тўзим берсин.

**Раҳматуллоҳ.** Юракка бир олов тушған. Бутун бағрим ўртнадир. Ўтурсам-да, ухласам-да, уйғонсам-да, эсимда ёлғуз шу қизни олмоқ...

**Айубхон.** Эй... жоним! Қиз сендан бунча узоқ эмаску? Онаси Фотимахоним сени ўз боласи каби севар эмиш. Бу ерда ёниб, битиб турғунча уйлариға бор, ўтири, гапур, кўриш.

**Раҳматуллоҳ.** Бул тинарнинг<sup>10</sup> унуми йўқ. Қизни кўриб гапура олмамиш? Юрагимнинг олови ортиб кетадир.

**Фулом ҳайдар.** Нима қилмоқчисиз?

**Раҳматуллоҳ.** Қизни олмоқ керак, ўртоқ! Бошқа йўл йўқ.

**Айубхон.** Бунинг-да йўли шу: бориб-келаберсанг бир кун ўзини ёлғиз қўрасен, дардингни англатурсен. У ҳам қиздир, севмак, севилмак истайдир. Сенинг юрагингда чин севиш белгиларини кўрдими, у ҳам сева қолар.

**Раҳматуллоҳ.** Қўй, ўртоқ! Сен мени шундай қуруқ сўзлар, бўш фалсафалар билан овутасен. Сўзи қўб, иши оз файласуфларни кўрмакчилар, келиб сени кўрсунлар.

**Айубхон.** Меним қанча сўзим бор эса, шунча ишимда бор.

**Раҳматуллоҳ.** Қани ишингиз?

**Айубхон.** Ўтган ҳафта шу ердан чиққандан сўнг Ка-римбахшон билан кўришдим. Дардингизни онглатдим. Илмингиз, фазлингиз, бойлигингизни мақтадим. У киши — дунё кўрган қари киши — дунёнинг қай бир ишини етмиш беш йўла санаб кўрган. Бизнинг сўзимиз билан ишламайдир.

**Раҳматуллоҳ.** Нима деди?

**Айубхон.** Буюк бир оғирлиқ билан сўзларимни тинглади. «Ўғлим, — деди, — Раҳматуллоҳни ҳаммангиздан

яхшироқ ўзим биламан. Уни менинг ёнимда мақтаманг. Мен Раҳматуллоҳонга бутун борлигимни берарға ҳозирман, уни севаман. Зулайҳонинг онаси эса қизини Раҳматуллоҳдан бошқа кимсага бермакчи эмас. Мен-да шунга кўнган. Лекин, биласизким, эрга бермоқ тўгрисида эрк ва ихтиёр қизнинг ўзиндадир. Бир қизни бир йигитга кучлаб юборурға ота-онанинг ҳақлари сира йўқдир. Бизнинг ишимиз — қизимиз ёқтирган йигит тўгрисинда қизимизнинг фойдасин кўзда тутиб тушунмак. Қизимиз ўзига заарли бир йигитни сайлаган бўлса, унга мантиқий ўгитлар бермайдир». Бу сўзларни эшитгач ўйладим, қолдим.

**Раҳматуллоҳ.** Бўйла узун фалсафалар билан менинг ишим йўқ. Аҳмоқ Каримбахшон менинг ким эканимни билмаган. Мен Зулайҳони ололмасам, бу дунёда тура олмам. Истар эса яхши билан, оқча билан, йўқса ёмонлиқ билан оларман. Сира йўл топа олмасам, ўзини у дунёға юборгандан сўнг қизини олурман.

**Ғуломҳайдар.** Ўртоқ! Иш унча қийин эмас. Фотимахоним қизини сизга бермакчи эмиш. Каримбахшон-да бунга кўнган эмиш, қизларнинг тилини оналар билалар. Мен шундай англайманким, Фотимахоним қизини бу ишга кўндирадир.

**Айубхон.** Мен-да шуни дейман! Қизнинг ота-онаси ёқтирган, қизнинг ўзи билан кўришиб тур, бошқа чора йўқ.

Раҳматуллоҳон чингироқни босар, Шукруллоҳ кирап.

**Раҳматуллоҳ** (*Шукруллоҳга*). Ҳайда, қардош! Юракларимиз туташиб қолди. Сувинг бўлса, кетур, бир оз сипқарайлиқ.

Шукруллоҳ. Ҳозирдур, хон соҳиб!

Раҳматуллоҳ. Кетур.

Шукруллоҳ. Хўб. (*Чиқарп*.)

**Раҳматуллоҳ.** Орқадошлар! Бу кеча бир ерга чиқиш йўқ. Шу ерда гурунглашамиз.

**Айубхон.** Биз, шу ерда қолмоқ учун келган эдик.

Шукруллоҳ бир патнусда чоғир шишалари билан аёғлар қўйиб, келтирас. Ўртага қўйиб кетар.

**Раҳматуллоҳ** (*аёғларни қўя туриб*). Буюринг, орқадошлар!

Айюбхон билан Фуломҳайдар аёғларни оладилар. Раҳматуллоҳ ҳам олар.

**Айубхон.** Зулайҳонинг соғлиғига!

**Раҳматуллоҳ.** Зулайҳонинг ишқига! (*Ичарлар.*) Оҳ орқадошлар, ишқнинг на ёмон ҳоллари бор!.. Кўзларим кўр бўлай эди-да, шу Зулайҳони кўрмая эдим. (*Аёғларни тўлдирур.*)

**Айюбхон.** Бошда, албатта, қийин кўринур. Тўй қилиб, севгилингизни уйга келтургандан кейин барисини унутарсиз.

Аёғларни оларлар.

**Фуломҳайдар.** Раҳматуллоҳхон билан Зулайҳонинг тўйлари учун.

Ичарлар. Шукруллоҳ кирав.

**Раҳматуллоҳ.** Кел, ўртоқ!

**Шукруллоҳ.** Шерхон келмиш.

**Раҳматуллоҳ.** Келсун. Унинг учун-да бир аёғ келтири.

**Шукруллоҳ.** Хўб (*чиқарп*).

**Фуломҳайдар.** Бу Шерхон яқинда янги бир ишгами кирмиш?

**Айюбхон.** Аскарлиғи бор.

**Фуломҳайдар.** Ундан бошқа?

**Раҳматуллоҳ.** Яширин полис бошлиғина кирмакчи бўлмиш.

Шерхон салом бериб кирав, ўтирганлар жавоб қайтарадилар.

**Шерхон.** Бахтимдан ўргилай, ўғурли бир соатда келибман.

Кўришадилар.

**Раҳматуллоҳ.** Буюринг, ака. (*Ер кўрсатур. Шерхон ўтирадир. Раҳматуллоҳ аёғларни тўлдирадир экан.*) Хуш келдингиз.

**Шерхон.** Хуш кўрдик.

Аёғларни оладилар.

**Айюбхон.** Бу кеча Зулайҳодан бошқа кимсанинг отига ичмаймиз.

**Раҳматуллоҳ.** Эсон бўл!

**Фуломҳайдар.** Зулайҳонинг соғлиғига.

Ичадилар.

**Раҳматуллоҳ** (*Шерхонга*). Қани ака, нима гаплар бор?!

**Шерхон.** Бу кунга яхши эди, эртадан бошлаб бир оз тинчсизлиқ бўлса керак.

**Барчалари.** Нечун, нечун?

**Шерхон.** Шу кун тилфиром олдик. Пешовар шаҳрининг полис бошлифина бомба ила уриб қочмишлар. Эрта кечдан бошлаб бизнинг шаҳримизда ҳам уруш ҳолати эълон қилинар.

**Айубхон.** Пешоварда бир кишини ўлдирмишлар деб Дехлидами уруш ҳолати эълон этарлар. Бу қандай иш?!

**Рахматуллоҳ.** «Бир кишини ўлдирмишлар» дема ўртоқ! Бир англизни ўлдирмишлар. Полис бошлиғи бўлған бир англизни! Албатта, катта бир ишдир.

**Айубхон.** Сўзингизни онглаёлмадим. Полис бошлиғи бўлған бир англизни «киши» дея оламизми?

**Рахматуллоҳ.** Яъни бир ҳукумат кишисини ўлдирмишлар, сиёсий бир қон тўкилмиш.

**Айубхон.** Онгладик. Лекин бу қон Пешовардами тўкилмиш, Дехлидами?

**Рахматуллоҳ.** Пешоварда.

**Айубхон.** Унинг ўчини Дехлиданми оларлар?

**Рахматуллоҳ** (*аёғларни тўлдириб*). Булар сиёсий ишлардир, бўйла қоронғу ерлари кўб бўлур.

Аёғларни оларлар.

**Айубхон.** Сиёсий ишларнинг қоронғу ерлари учун.

Кулишиб ичарлар.

**Рахматуллоҳ.** Демакки, бундан кейин кечаларда чиқмакни қатағон қилдингиз-а?..

**Шерхон.** Қатағон қилдик, кимсани қўймаймиз.

**Фуломҳайдар.** Ўйимизда тинчгина ўтирганга қўясизми?

**Шерхон.** Уни тангри биладир. Ҳар ҳолда эрта-кечдан бошлаб уйингиздан чиқмассиз?

**Фуломҳайдар.** Нечанчи соатдан?

**Шерхон.** Соат тўққиздан тонг отарғача кўчада кўринган киши англиз эса, эртагача сақланғандан кейин қўя берармиз. Ҳиндустонлик-да эса турмага юбориб, бир ой қамармиз.

**Фуломҳайдар.** Оҳ-о! Бир англиз билан бир ҳиндустонлик орасида шунча айирма борми?

**Айубхон.** Жоним! Бу-да сиёсий ишлардағи қоронғуликларнинг биридир. Нима дейсан?

Ғулом ҳайдар. Бу оврупалилардаги виждон қоронғуликлариндан дир. Улар ўзларини туташ юқорида тутиб, бизни тубанга уралар.

Шукруллоҳ кирап.

Шукруллоҳ (*Раҳматуллоҳхонга*). Зайнаббиби келмиш.

Раҳматуллоҳ (*төлба бўлиб турар*). Ҳозир чиқаман.  
Айубхон. Яхши бир хабар бўлғай...

Раҳматуллоҳ. Ким билар?! (*Чиқар*.)

Шерхон. Ўртоқлар, мен-да сизларга ияриб Зулайҳонинг отига чоғир ичдим! Лекин ўзини танимайман, кимдир у?!

Айубхон. Раҳматуллоҳнинг севгилиси.

Шерхон. Кимнинг нимасидир у?

Айубхон. Каримбахш соҳибнинг қизи.

Шерхон. Ҳа, онгладим. Раҳматуллоҳ яқинда бу қизга совчи юборғанми?

Айубхон. Юборған.

Ғулом ҳайдар. Раҳматуллоҳни чақирган шу хотун ҳам шу иш учун келди.

Шерхон. У қизни Раҳматуллоҳхонга бермаслар.

Айубхон. Сиз қаердан биласиз.

Шерхон. Меним хотуним Каримбахш соҳибникига кетиб-келадир. Шу айтди.

Ғулом ҳайдар. Қани, гапирингчи, қандай бўлибдир?

Шерхон. Ўтган куни Каримбахшон билан хотуни шу иш учун урушмишлар. Хотун қизини Раҳматуллоҳхонга бермакчи эмиш. Каримбахшон бунга кўнмамиш. «Қизими Нуриддиндан бошқа кишига бермам» демиш.

Ғулом ҳайдар. Ўйла эса бу хотун-да яхши бир хабар келтирмаган бўлса қерак?

Шерхон. Ким билар?!

Раҳматуллоҳхон қайгули бир ҳолда қўлида бир қоғозни букиб келар, ўрнига ўтириб «уфф» деб бошини қўллари орасига олар.

Айубхон. Қани, нима бўлди?!

Ғулом ҳайдар. Хат кимдан, ўртоқ?!

Раҳматуллоҳ (*бошини қўтариб*). Сўраманг, қардошлар!

Айубхон. Нима бўлди, айтсанг-чи?

Раҳматуллоҳ (*сингирли узоқларга қараб*). Аҳмоқ Ка-  
римбахш!

Мен бу ишга йўл берар эканманми?

Айюбхон. Жоним, нима бўлди? Нечук айтмайсан?

Раҳматуллоҳ. Фотимахоним ёзиб юбормиш.

Фуломҳайдар. Нима ёзмиш?

Раҳматуллоҳ. Каримбахшон қизини менга бермакчи эмас эмиш.

Айюбхон. Нечун?

Раҳматуллоҳ (*ёзувни хонга ташлаб*). Мана, ўқинг!

Айюбхон (*ёзувни ўқур*). «Ўғлим, Раҳматуллоҳон! Қизимни сенга бергали бор кучим билан тиришдим. Бундан кейин-да тиришарман. Бироқ хон соҳиб, бунга кўнмайдир. «Нуриддинхон бор экан, қизимни бошқага бермам» деб турадир. Шуниси яхшиким, Нуриддинхон-да бу қунгача қизимга совчи юбормади. Хон соҳибни шу ишга кўндири-мак учун бирор йўл топфайсиз деб, ўзингизга билдиридим».

Раҳматуллоҳ (*қўлини мосога уриб*). Йўли қулай. Каримбахш билан Нуриддинни у дунёга юборамиз. Иш битар.

Шерхон. Бундан бошқа йўл йўқ!

Фуломҳайдар. Нуриддиннинг нима ёзуфи бор? У қизни истамаган эмиш-ку?

Раҳматуллоҳ. Эшитмадингизми, у бор экан, қиз менга берилмас эмиш.

Айюбхон. Бу тўғруда бизга Шерхоннинг кўмаги керак.

Раҳматуллоҳ. Ўртоқ, Шерхон? Бу ишни қиласиз-да...

Шерхон. Қўлимдан келган хизматни сиздан аяганим борми?

Раҳматуллоҳ. Эсон бўл, қардошим! Хизмат ҳақингни унутмам.

Шерхон. Эсонлик керакдир, хон соҳиб!

Айюбхон. Сен қандай тушунасен, Шерхон, нима қилмоқ керак?

Шерхон. Қулайдир, хон соҳиб, полис бошлиғига бориб, Пешовар шаҳриндағи полис бошлиғини ўлдурғанлар билан Нуриддинхоннинг танишлиғи бор десам, иш битар. Нуриддин турмага юборилур.

Раҳматуллоҳ. Офарин, Шерхон!

Шерхон. Турмага кетдими, у ёғи қулайдир. Ўлдириб юбормак ҳам, чурутуб битирмоқ ҳам бўлур.

Раҳматуллоҳ. Бор бўл, ўртоғим! Турмага юборгандан кейин, ўлдиримак керак.

Шерхон. У ёфи қулайдир.

Фуломҳайдар. Ҳай, эмди менга рухсат.

Раҳматуллоҳ. Кетасизми, қардошим?

Фуломҳайдар. Кетаман, ўртоқ.

Раҳматуллоҳ (*туриб*). Буюринг.

Айубхон (*туриб*). Ҳай, эмди.

Кўришиб чиқарлар, Раҳматуллоҳ билан Шерхон қоларлар.

Раҳматуллоҳ. Келинг, Шерхон, эмди сиз шу ишни бўйнингизга оларсиз.

Шерхон. Ол, десангиз, олармиз.

Раҳматуллоҳ (*қўлтуғидан бир таянч қоғоз чиқариб, бармоқлари орасинда ўйнаб туриб*). Орқадош, менга қолса, шу одамни ўлдирмак йўлини топ, турмаға юбормак унча пишиқ бўлмас.

Шерхон. Кўлимдан келган хизматни қиларман, хон!

Раҳматуллоҳ. (*Банка қоғозини бериб*.) Мана бунда хизмат ҳақингиз, икки минг рупиялик банка қоғози. Яна кўришурмиз.

Шерхон (*қоғозни олиб*). Эсон бўлингиз. Ҳай, эмди. (*Кўл берар*.)

Раҳматуллоҳ (*қўл бериб*). Ҳай, яхши борингиз.

Шерхон. Яхши қолингиз. (*Кетар*.)

Раҳматуллоҳон уни узатурға чиқар.

Парда тушар.

## УЧИНЧИ ПАРДА

Кундуз. Нуриддинхоннинг иш уйи, китоб билан тўла икки дўлоб<sup>11</sup>, ўтрада бир мосо, девор ёнида ёзув мососи, устида бир электрик лампаси-да ёзув тақвими ва Нуриддиннинг ёзувлари турадир.

Аҳмадхон ўтрадаги мосо ёнида китоб ўқиб ўтирибди.

Шу чоғда Сарвархон эшиқдан кўринур.

Сарвархон. Кирсак бўлурми?

Аҳмадхон (*китобни қўйиб ёпар*). Буюрсинлар, хон соҳиб! (*Кўришиб ўтираплар*.) Эсонмисиз, хон соҳиб?!

Сарвархон. Алҳамдулиллоҳ. Сиздан сўрайлик?

Аҳмадхон. Алҳамдулиллоҳ...

Сарвархон. Нуриддинбек йўқми?

Аҳмадхон. Богчага чиқсан эди, ҳозир келса керак.

Сарвархон. Аҳволи қалай, бир оз яхшиланмишми?

Аҳмадхон. Эскиси каби, хон соҳиб. Ёзмоқ, тушунмакдан бошқа иши йўқ.

**Сарвархон.** Ёзатурдиги рўман битдими?

**Аҳмадхон.** Битаёзди. (*Ёзув мососини кўрсатиб.*) Мана, ёзувлар шунда турадир.

**Сарвархон** (*ериндан туриб, ёзув мососига тўғри юрап*). Кўрайинчи, нималар ёзадир, хожа<sup>12</sup> файласуфимиз. (*Мосога келиб, қораланған қоғозларни олиб қарар*.) Ўҳ-у...нақадар адабий тасвир... гўзал ва шоирона бир лавҳа!.. Тингла, Аҳмадхон?

**Аҳмадхон.** Буюрингиз, хон соҳиб!

**Сарвархон** (*ўқур*). «Учмоҳ кўринишили бир боғча. Боғчанинг энг кўркамли еринда ўриндиқ кўйилған... Ойша боғчадаги гулларнинг энг гўзалини уялтирур бир сувратда ўтирибди. Тува<sup>13</sup> тусли соchlари, топинмоқ учун оташкада теграсинда тўпланган ҳиндилар каби бўйнининг ҳар ёнинда сочиlgан бир-икки ҳалқаси, манглайина тўғри узаниб, сўл қошигача келган-да, хурматсизликнинг бунчасини ортиқ кўриб, яна қайрилған. Гул япрофина гўзал сабоғи берган қип-қизил ипак кўйлаки тонг елининг ўпишлариндан ўсанғани учун титраб турган. Янги очилган бу тангри гули қўлиндаги кичкина китобнинг мутолаасига берилган...»

**Аҳмадхон.** Чиндан шоирона бир тасвир.

**Сарвархон** (*бир оз ўйлаб*). Аҳмадхон! Нуриддиннинг бунча қайтурғанин сабабини онглаб, чорасини топмоқ чоғи келгандир. Ишни бўш тута берсак, Нуриддин ишдан чиқиб қолар.

**Аҳмадхон.** Тўғридир, хон соҳиб! Бироқ нима қилмоқ керак!

**Сарвархон.** Нуриддиннинг дарди бор. Бу дард ўз эмини топмаса, Нуриддинни ишдан чиқарур.

**Аҳмадхон.** Биламен, хон! Менинг ҳам энг буюқ тилагим оғамнинг шу дардига эм излаб топмоқдир. Бироқ бир дардни эмламоқ учун уни яхшифина онгламоқ керакдир. Оғамнинг дардини яхшифина очолмай турубман.

**Сарвархон.** Дарднинг нималиги тўғрисидан бирор нарса ўйладингми?

**Аҳмадхон.** Ўйладим, хон соҳиб! Дарди, менимча, белгиланди. Оғамнинг юрагини ёндириб турған севги оловиндан бошқа нарса эмасдир. Унинг севгидан бошқа дарди бўлса эди, бу кунгача эмланур эди.

**Сарвархон.** Бу тўғри... Нуриддиннинг севги ва ишқ тамуғина тушганини ҳар биримиз онглағанмиз, бироқ ким-

ни севар, унинг юрагиндаги бу қўрқинч олов қайси қўёшдан қўпуб тушған, мана шуни онгламоқ керак...

Аҳмадхон. Уни онглағаним йўқ, хон соҳиб!

Сарвархон. Оталар сўзиDirким: «Икки қўл қилған ишни бир қўл қила олмайдир». Иккимиз биргалашиб ўйлайлик-чи, қани бир нарса топа олармизми?

Аҳмадхон. Буюрингиз, хон соҳиб!

Сарвархон. Адабиёт онгсунинда<sup>14</sup> бир сўз бор. Дерларким: бир адид бир театру ё бир рўман ёзганда, ўзининг миясиндағи сезгилардан бошқа нарсани тасвир эта олмайдир. Нуриддинхоннинг шу рўмонинда тасвир этилған қизни мен кўрган каби бўлдим.

Аҳмадхон (*кулимсаб*). Хон соҳиб! Оғам бу рўманда юз эллик йил бурун ўтған бир қизни тасвир этган.

Сарвархон. Тўғридир, бироқ Нуриддинхон у қизга ўзининг миясиға таъсири бўлған бошқа бир қизнинг суратини таққан, мен шу қизни тунов кун кўрдим.

Аҳмадхон. Ким экан, у қиз?!

Сарвархон. Каримбахшхоннинг қизи!..

Аҳмадхон (*обдираб*). Ўхъ... Демак, оғамнинг миясиға Зулайҳонинг таъсири бор-а?!

Сарвархон. Менимча бўйла...

Аҳмадхон. Сиз буни қаердан онгладингиз?!

Сарвархон. Мен қайси кун Каримбахшхоннинг боғига кетган эдим. Зулайҳони кўрдим. Қизил ипак кўйлак кийган эди. Шу рўмандағи шоирона тасвирга бутун келиша эди. (*Эсига яқин бир нарса келган каби.*) Ҳо... У кун Раҳматуллоҳхон ҳам бор эди. Зулайҳони кўргали борғанини ҳар бир ишиндан онглаб турған эдим. Тунов кун эшитғаним бир хабарга кўра Раҳматуллоҳхон Нуриддин учун бир ёвузиқ туйиб юра эмиш.

Аҳмадхон. Қандай ёвузиқ?!

Сарвархон. Нуриддинни бирор йўл билан йўқ қилмоқчи эмиш. Бу тўғрида Шерхон билан кенгашлари ҳам бор эмиш. Раҳматуллоҳхоннинг бу тушунчаси нечун? Нуриддинни нега йўқ қилмоқчи? Шуни-да онгласайдик, масала очилған...

Аҳмадхон. (*Эсига бир нарса келган учун, Сарвархоннинг сўзини кесар.*) Кечирасиз, хон соҳиб! Меним эшитғанимга кўра Раҳматуллоҳ Зулайҳога совчи юборған, Зулайҳонинг отаси қабул этмаган.

**Сарвархон.** Ҳа, иш очилди. Демакким, Раҳматуллоҳон Зулайҳоға совчи юборган, у қабул қилмаган, у бу ишни Нуриддиндан билиб, йўқ қилмоқчи бўлған.

**Аҳмадхон.** Хон соҳиб! Бир Нуриддиннинг бир дардига эм излаб турганда, иккинчи бир дард чиқиб қолди, оғамни Раҳматуллоҳдан сақламоқ керак энди?

**Сарвархон.** Уни сақламоқ қулай. Барчадан бурун Нуриддиннинг дардини ўзиндан онглаб чорасига киришмак тейиш.

**Аҳмадхон.** Уни қандай онглармиз?

**Сарвархон.** Ўзиндан сўрармиз.

**Аҳмадхон** (*эшикка қараб*). Мана ўзи ҳам келди.

Нуриддин келар.

**Нуридинхон** (*қайғули*). Ассалому алайкум! Хуш келдингизми, ўртоқ?

**Сарвархон** (*туриб*). Хуш кўрдик. Кел, Ҳўжа файласуф. (*Кўришиб ўтирарлар. Нуриддинга эс қўйиб қараб.*) Ўртоқ. Бу не ҳол? Сенинг учун қайғудан қутулиш куни йўқми?

**Нуридинхон** (*кулимсираб*). Тириклиқдан қутулмагунча қайғудан қутулиш мумкинми?

**Сарвархон.** Сендан бошқа тирик киши йўқми?

**Нуридинхон.** Бор ҳам кўб бор.

**Сарвархон.** Шунларнинг қай бири сен каби қайғуларда ботиб турадир?

**Нуридинхон.** Уларнинг тириклиқдан нима онглаганини, нечун қайғурмай юрганларини била олмадим.

**Сарвархон.** Чин ўртоқлар кишининг қайғуларини кўтариб, дардларини эмламоқ учун керакдирлар. Неча йилдан бери ўртоқлик қилиб турибмиз. Юрагингдаги дардни тилингга олиб, менга билдирганинг йўқ. Бўйла ўртоқликми булар?!?

**Нуридинхон.** Юрагимдаги дардларни тилимга ҳам чиқармоқчи бўласан, ўртоқлиғинг шуми энди??!

**Сарвархон.** Дард билинмағанда давоси топилмас, сен дардингни айтмагач, мендан нима кутарсан?

**Нуридинхон.** Меним дардим учун эм керак бўлса эди, кўбдан бери сенга айттар эдим. Лекин меним дардим даво истамас.

**Сарвархон.** Нечун?

**Нуридинхон.** Чунки давоси йўқдир.

**Аҳмадхон.** Оға, сенинг дардинг нима эдики, онглашилмасдир.

Нуридинхон. Улар билар!..

Сарвархон. Ўртоқ, сен бирисини севгансан. Юрагингда севги олови бор.

Нуридинхон. Севмак гуноҳми? Бугун бир кишини севмаган бир юрак борми? Юрак севгисиз, балиқ сувсиз яшарми?

Сарвархон. Тўғридир, лекин севгини бўйла яшириб юрмоқ нечун?

Нуридинхон. Севги юракнинг хазинасидир, хазинани яширин сақламоқ тейишdir.

Аҳмадхон. Кимни севганингизни ҳам онгладик. Биздан яширсангиз, осигисизdir<sup>15</sup>.

Сарвархон. Сен Каримбахшоннинг қизини севгансан, ўртоқ.

Нуридинхон (буюк изтироб билан). Ўтинамен, кишининг юраги билан ўйнамағайсен?!

Сарвархон. Нуридин! Шу кунгача бирликда ишлаб келдик. Сени энг севгили қариндошимдан кўбрак севдим, бир-биrimиздан яширин нарсамиз йўқ эди. Бирор дардга учраганда келиб айтар эдик. Кенгашиб, бирлашиб, шунинг чорасини ахтарар эдик. Сенга нима бўлди? Зулайҳони севган экансен, унинг учун йиғлаб турар экансен, нечун менга айтмайсен?

Нуридинхон. Сарвархон, кечирасен, ўртоғим! Виждонима онт ичаменким, дунёда сендан азиэроқ ўртоғим йўқдир. Сенга ҳар дардимни айтиб, чорасини сўрамоқни ўзим учун фарз деб биламен.

Сарвархон. Юрагингдағи севгини нечун билдириб, чорасини сўрамадинг?

Нуридинхон (мунгли). Ўртоғим, юрагимдағи севги дард эмас, даводир. Унинг чорасини истамам. Негаким, бутун дардларимнинг чораси удир.

Аҳмадхон. Севгининг чораси — севгилига эришмакдир, севгилисига эришмаган бир ошиқнинг бутун тириклиги — дард ва қайфусидир. Зулайҳога эришмадинг, бу кунгача ўз ҳолингни ҳам унга онглатолмадинг. Шунинг учун шу ҳолга тушиб қолибсен. Яна «Менинг севгим дард эмас» деб катталик қиласен.

Нуридинхон. Ишқнинг нима эканини билмайсиз-ку?

Сарвархон. Бизми, билмаймиз?!

Нуридинхон. Албатта, билмайсиз. Билсангиз эди, ишқни дард демас эдингиз ва ошиқ учун бир тилак борли-

гини тушунар эдингиз. Ишқ дард эмас: инсонларни ҳайвонликдан қутқарап бир даводир. Буюк қаҳрамонлар, улуғ адиблар, катта файласуфлар ёлғыз ишқ күчасинда етишмишлардир. Буюклиқда «КАМОЛ» деган нарсаларга эришмак ишқсиз мүмкін эмасдир. Шунинг учун ишқ бир даводир. Буни «дард» деб, давосини излаганлар, янглиш йўлга кеталар.

**Аҳмадхон.** Ошиқ бўлган кимса, маъшуқига эришмакни истамасми? Шунинг учун бир оз тиришмасми? Сен Зулайҳони севгансен, нечун уни истамайсен? Отасига нега билдурмайсен?

**Нуриддинхон.** Сизлар ҳар бир сўзингиз билан ишқнинг ҳақиқатини билмаганингизни эълон қилиб турасиз: Дунёда «ишқ» билан «ҳавас»ни яхшигина онгламоқ керак. Бир-бирига кўб ўхшаган бу икки ҳолни айрмоқ тейиш. Маъшуқа истамак, у билан бир ерда ётиб-қалқмоқ ишқ эмас — ҳавасдир. Ишқнинг ишқдан бошқа тилаги йўқдир. Чин ошиқлар маъшуқларнинг ўзи билан эмас, хаёли билан яшайлар.

Сарвархон бу сўзларни файласуфона тинглаб, тушуна бошлар.

**Аҳмадхон.** Сен Оврупада ўқидинг. Букун ҳар нарсанни фан ва фалсафа кўзи билан қараб турған оврупалилар ҳам ишққа сен каби маъно бермайлар. Оврупада ҳар бир киши бир кишини севдими, унинг энг биринчи тилаги ўз ишқини маъшуқига билдириб, ундан марҳамат истайдир.

**Нуриддинхон.** Оврупани қўябер! Оврупада ҳайвонликдан бошқа нарса йўқдир. Оврупалиларда руҳ йўқдир. Бунлар руҳоний лаззатдан бир нарса онгламайлар. Чин севиш ва ҳақиқий ишқнинг туб ери Шарқдир. Мажнунлар, Фарҳодлар каби ишқ пайғамбарлари Шарқда етишдилар. Бу кун Оврупангда ишқ отини олған ҳоллар ҳайвонлик ҳавасларидан бошқа бир нарса эмасдир. Оврупадаги «ишқ» деб танилған у ҳайвонлар ҳаваси, кишининг камолига, сабаб бўлмас, кимсанинг руҳини юксалтиrmас. Оврупа бўйла эмиш, деб мен ҳам ўзимни ҳайвонлик чуқурларига ота олмам.

**Сарвархон.** Ўртоғим! Сўзларинг тўғридир, лекин ошиқ бўлған киши маъшуқига эришмак истар. Буни билмаған йўқдир. Сен нега бундан тониб турасен.

**Нуриддинхон.** Янглишасен, ўртоғим, чин ошиқ ўзининг саодатини эмас, маъшуқанинг камолини истар. Маъшуқанинг камолига хизмат этмак учун ўзи комил бўлур-

ға тиришур. Ҳар ишдан бурун маъшуқини ўз ёниға олмоқ истаганлар, маъшуқалариндан бурун ўзларининг саодатларини тилағаń эрурлар. Маъшуқини қўйиб, ўз саодатини тушунғанларга эса ишқ демак янглишдир.

Аҳмадхон. Нечун дардингни бизга билдиrmайсен?

Нуриддинхон (*кулимсиб*). Дардим йўқ?

Аҳмадхон. Бир кишини севгансен-ку?

Нуриддинхон. Севиш дард эмас, даводир.

Аҳмадхон. Нечун шуни билдиrmайсен?

Нуриддинхон. Севги юракнинг энг муқаддас бир хазинасидир. Уни яшироқ керакдир.

Сарвархон. Ўртоғим, дунёнинг энг қўрқинч олови севгидир, уни ёпмоқ учун устига на қўйсанг ёнар, унинг алангасини юксалтирап. Сен юрагингдаги севгини яшурғали шунча тиришдинг, лекин сенинг севганингни ёлғиз биз эмас, ёвларинг ҳам билиб олмишлар.

Эшикда Фуломҳайдархон кўринур.

Фуломҳайдархон. Кирсак бўлурми?

Уйдагилар иргиб туарлар.

Нуриддинхон. Буюринг, хон соҳиб! (*Фуломҳайдархон кираp, кўришиб ўтирурлар*.) Хуш келдингиз, хон соҳиб!

Фуломҳайдар. Хўш қўрдик, хон соҳиб! Кечирасиз, қардошим, суҳбатингизни тўхтатдим. Чоғсизми, келдим?

Нуриддинхон. Ў... Тангри сақлағай, хон! Сизнинг бу келишингиз бизнинг суҳбатимизга бошқа бир файз берадир.

Сарвархон. Кўбдан бери суҳбатингизга муҳтоj эдик.

Фуломҳайдархон. Қуллуқ, хон соҳиб! Зарур бир ишим чиқмағанча, бошингизни оғритиб келмакни муносиб кўрмадигим учун ҳар кун кела олмайман.

Нуриддинхон. Буюрингиз, хон соҳиб, хизматингизга ҳозирмиз.

Фуломҳайдархон. Қуллуқ, хон соҳиб, хизматим йўқ. Бироқ сизнинг тўғрингизда қўрқувли бир хабар эшигдим. Шуни билгали келдим.

Сарвархон билан Аҳмадхон бир-бирларига қарайдилар.

Нуриддинхон. Қандай хабар??

Фуломҳайдархон. Хон соҳиб, мен сизни кўбдан севамен, ёзган китоб ва мақолаларингизни сева-сева ўқуб,

кўб осиғланамен, юртимиз учун энг керакли ва асру осиғли эканлигингизга ишонамен.

Нуридинхон. Куллук, хон соҳиб!

Фуломҳайдархон. Шу кунларда ўзларини ёш ва юртчи атаған бир-икки «вижданли киши» томонидан сизга бир зарар етқизулса керак.

Аҳмадхон. Ким экан, улар?!

Фуломҳайдархон. Кечирасиз, хон соҳиб. Уларнинг отларини айта олмайман. Ёлғиз шуни хабар бера оламан-ким, орадағи душманлиққа сабаб ишқ масаласидир.

Нуридинхон (*кулимсаб*). Қандай зарар еткуарар эканлар?!

Фуломҳайдархон. Хон соҳиб, сизга бўйла бир ёмон хабар кетурганим учун ўзимни баҳтсиз санайман!

Нуридинхон. Йўқ... зарари йўқдир, орқадош, билганингизни айтсангиз, ҳаққимизға буюк бир яхшилик қилған бўлурсиз.

Фуломҳайдархон. Уларнинг туб тушунчалари сизни йўқ қилмоқдир, лекин усталиқ ва шайтонлик билан бу тилакларига эришмоқчи бўлалар.

Нуридинхон. На каби?!

Фуломҳайдархон. Буларки, ҳукуматга ёлғон бир хабар бериб, сизни тутдирсингилар.

Нуридинхон. Қандай хабар?!

Фуломҳайдархон. Яқинда Пешовар шаҳрида бир англизни ўлдирган эдилар.

Сарвархон. Пўлис бошлигини...

Фуломҳайдархон. Ҳа, ёвларингиз Пешовардаги бўлған шу ишни сиздан қилиб кўрсатмоқчи.

Аҳмадхон. Ой, жоним! Бизнинг ҳукумат кишиларида онг деган нарса йўқми? Биз Дехлида ўтирибмиз. Пешовардағи бир ишдан нима хабаримиз бўлар.

Сарвархон (*Аҳмадхонга*). Қардошим, ҳукумат кишиларимиз англиз эмасларми? Қай бир англизнинг энг биринчи тилаги қайси йўл билан бўлса-бўлсин, бир мусулмонни кўлга тушуриб бўғмоқдир.

Шу чоғда ташқарида гурултов бўлар, эшиқдан англиз юзбошиси (Вилям) билан тўрт ҳинд пўлис босиб киралар.

Вилям (*тўппончасини кўрсатиб*). Барчангиз берилингиз! Озгина тебранган кишининг ўлимига ҳукм бордир! (*Пўлисларга*) Тутингиз бунларни.

Пўлислардан бир-иккиси уйларидаги кишиларни бир ерда тўплаб сақларлар.

Нуридинхон. Тинч ўтирган кишиларнинг уйларига кимнинг буйруғи билан босиб кирасиз?

Юзбоши. Ҳукуматнинг буйруғи билан!

Нуридинхон. Қофозингиз борми?

Юзбоши (*тўппончасини тўғрилаб*). Қофоз истамас, мени танитғуси нарса мана шудир! (*Бўш ўтирган икки пўлисга*.) Кўтаринг бунинг қофоз билан битикларини.

Пўлислар битик ва қоғозларни тўплаб кўтарурлар.

Сарвархон. Бизнинг ёзугимиз нима экан?!

Юзбоши. Чиқарма товушингни, сўроқ чоғингда онгларсен?

Нуридинхон (*Ғуломҳайдархонни кўрсатиб*). Бу киши меним қўноғимдир, буни қўяберингиз, ўз ишига борсин.

Юзбоши. Гапурма дейман! (*Пўлисларға*.) Ҳайданг олга... марш!

Пўлислар битик ва қоғозларни кўтарган ҳолда тутқунларни олға суриб чиқаралар.

Юзбоши. Ҳай, хоин мусулмонлар! Англиз каби буюк давлатнинг қўл остиндан чиқмоқ учун тиришма. О-о... Англиз миллати бу тўппончаларни сизни кўкракларингизни тешмак учун ясафандир.

Чиқиб кетар.

Парда тушар.

## ТЎРТИНЧИ ПАРДА

Зиндон. Бир ёнда, ер устинда похол ёйилган, бир кат<sup>16</sup> ёнида бир синиқ қумғон қўйилған. Нуридинхон похоллар узра ётибди. Туш кўрадир.

Нуридинхон. Зулайҳо!.. Кел, малагим, кел! Чечагим, кел... оҳ. Ёй тузи каби... гуллар орасинда ўтирасен... тангри қушидек... малаклар билан учушасен... Сен умид чечагисен... Узоқларда юрасен... Сен ошиқ баҳтисен... бизга ёношмайсен<sup>17</sup>... (*Turap. Талвасада*.) Кел, гўзалим... Кел севгилим... Кел жоним... кел, армоним... Оҳ, кетди... Жоним кетди, тинчлигим узоқлашди... Кетди... (*Tинар. Яна талваса*.) Кел... Зулайҳо ... кел! Тангри чироғи, кел... Кўнгул боғи, кел... Жон булбули, кел... Армон юлдузи, кел... (*Кулимсиб*.) Оҳ, кел... (Зулайҳонинг хаёли келиб Нуридиннинг бошида ўти-

*радир. Нуридин бир оз тинганидан кейин, яна талвасага тушар. Құлларин Зулайқо сари узатар.) Кел... севги учмоғи... кел! (Хаёл секин-секин кета бошлар.) Кетма... учмоҳ булбули... кетма... ох!.. Кетди... Умидим каби учди... Армонимдек қочди... кет... гүзалим, кет. Сен малаксен... тубанларда юрма... Сен қуёшсен... бизга ёруғинг етарликдир... уч... уч... гүзаллар ҳокими... гүзаллик тангриси... уч... юксал... Сен қуёшсен!.. Қанча юксалсанг, ерни шунча ёритған бўларсен...*

Зиндон эшиги ёвошина очилур. Шерхон секингина кириб, оёқ уни билан Нуридинга ёнашар.

*Нуридин хон (тушда). Зулайқо... кетдингми?*

*Шерхон. Яхши бир паллада келибман. Ётиб қолмиш!..*

*Нуридин хон. Зулайқо...*

*Шерхон. Ўхў... тушинда Зулайқони қўрадир, бунга уйғонмоқ йўқдир эмди.*

*Нуридин хон. Мени йиғлатма, малагим!..*

*Шерхон (улусга ёношиб). Ҳукуматимиз-да кўб қизиқ!.. Сенга ола қараған бирини кўрсатиб, «мана шу киши англизларни севмайдир» дедими... иш битди. Унинг онасини кўрсатмай қўймайлар. Тубсиз бир сўз билан буни қаматдим... Бу бояқиш икки ойдир, шунда ётадир... Бизнинг Раҳматуллоҳон эса ҳалигача Зулайқосини ололмаган... Ўткан кун мени чақириб...*

*Нуридин хон (қаттиқ талваса билан қўлларини узотиб). Зулайқо о, кел.., кел... Кўз бабагим, кел... жон чечагим, кел!*

Шерхон сесканиб қочмоқчи бўлар, уйғонмаганини кўргач, обдираб қўзларини Нуридинга тикиб турар.

*Нуридин хон (қўлларини узатган ҳолда). Келдингми?.. (Зулайқонинг хаёли кўриниб, оғир бир юриши билан Нуридинга ёнашур.) Тўхта... учмоҳ чечаги тўхта... Менга ёношма... Юрагимнинг алангаси сенга тегмасин! (Хаёл йўқолур.) Кетдингми? Мени тирик қўйиб кетма, жоним! (Тинар.)*

Шерхон. Раҳматуллоҳон ўтган кун мени чақириб, «Қиз менга кўнмайдир, йўлини топ» деди. «Отасини қаматай» дедим, кўнмади. «Отасини қаматмоқ унумсиздир. Нуридин тирик экан, у қиз менга тегмас. Ишқилиб, Нуридинни йўқот» деб менга тағин беш минг рупия берди.

*Нуридин хон. Ҳулкарим, кел... Нега келмайсан?*

*Шерхон (обдираб қарағандан кейин). «Шаҳар бошлиғига бир оз ақча берсанг, ёзугини бўйнига қўйиб, осиб юборгай» дедим. Раҳматуллоҳ кўнмади. «Нуридинни осса-*

лар, Зулайҳо мендан билар, сўнгра менга сира кўнмас. Ишқилиб Нуриддинни зинданда оғуламоқ керак» деди. «Бу иш қулай эмас» дедим. Яна беш минг рупия берди. Нима қилмоқ керак? Ўн минг рупия оз эмас? (*Киссасидан кичкина бир шишани чиқариб.*) Ўн минг рупия учун шул кишини учмохга юбориш қулай эмасми?... (*Хурка-ҳурка қумғон сари борар.*)

Нуриддинхон. Мени ўлдирасенми, золим?!

Шёрхон хуркар, шиша ичиндагини қумғонга бирдан бўшатиб, орқага босар. Шу чогда зинданчи киар.

Зинданчи. Ишингиз битдими?

Шерхон. Кечирасен, ўртоғим, бояқиши йигит ётган экан. Уйғотурға кўнгил истамади. Ўзи уйғонгай, деб турдим, уйғонмади, энди кетиб, эрта билан келарман.

Зинданчи. Кўп яхши. (*Шерхон чиқиб кетар, Шерхоннинг кетидан ёмон-ёмон қарағандан кейин.*) Шу кишининг яхши бир тилаги бўлмаса керак. Нуриддинга сўзим бор, деб келди, гапурмасдан кетди...

Нуриддинхон. Мендан нима истайсен?!

Зинданчи (*сесканиб*). Ким? Менми?

Нуриддинхон. Оҳ... золим...

Зинданчи. Кимни дейсиз?

Нуриддинхон. Малак...

Зинданчи (*обдираб*). Нуриддинхон... Нуриддинхон!..

Нуриддинхон. Чечак...

Зинданчи. Нуриддин, ҳай, Нуриддин!

Нуриддинхон (*отилиб кўзларини очар*). Ким сен?!

Зинданчи. Мен... зинданчи!

Нуриддинхон. Оҳ!..

Зинданчи. Оқшом нонини емасдан ётибсен, нон кетурайми?

Нуриддинхон. Керакмасдир.

Зинданчи. Нуриддинхон! Кўб қайғурмангиз, кутулишингиз чоғи етишгандир!

Нуриддинхон. Кетингиз бу ердан!

Зинданчи. Бирор нарса истамайсизми?!

Нуриддинхон. Сизнинг кетишингизни истаймен.

Зинданчи. Яхши мен кетайин. (*Чиқар.*)

Нуриддинхон (*ўтириб*). Тангрининг қизиқ ишларига боқ. Меним торгина миямда ер юзининг қайғусини сифдирган экан, ўзимни ер юзида сифдира олмайдир... Ишми бу?! Юртимнинг тўрт юз миллийн улуси неча минг англиз

маймунларининг таёғлари остинда эзилиб турадир. Юз мингларча қон-қардошларим очликдан ўлиб туралар. Қоронғу зинданлардаги кишанлар остинда жон берганларнинг сони йўқ. Бунларнинг қутулиш йўлларини ахтарасиз деб ёзуғиз кишиларни, тинч кимсаларни ҳам қамаб туралар. Яна ўзларини инсон, маданий, одил атаб юралар. Уятсизлар, виждонсизлар! (*Қизиб.*) Ёвузлар! Бугун маймун сирасинда қўйдигингиз Ҳиндистон болалари қиёматга довур бўйла қолмаслар. Буларнинг даҳи кўзи бор, очилур. Виждони бор, уйғонур. Қони бор, қайнар. Тўрт юз милийён инсон боласининг бўйла эзилиб қолишиға тангри кўнмас, табиат рози бўлмас,adolat қараб турмас. Бир кун буларнинг барчаси сизнинг ўлимингиз учун ўзининг сўнг кескин буюргифини чиқарур. Мана шу паллада мазлум чиқшининг қандай ёмон эканини ўз кўзларингиз билан кўриб, ишонурсиз. Ўз ҳаққини истағанларни қоронғу зинданлар билан ҳуркutmak, қора ўлимлар билан қўркутмоқ истайсиз... йўқ... Ҳақни ҳақ деб таниган кишилар учун ўлимдан қўрқмоқ, зиндандан ҳуркмак йўқдир. Бизни тамуғдан қоронуроқ ўринларда қамасангиз ҳам ҳиндинг қутулиш юлдизи кўзларимиздан йўқолмас. (*Кумғонни олиб ичмоқчи бўлур, бирдан эсига бир нарса келган каби ўйлаб қолғандан кейин, узоқларга қараб сўйлар.*)

Оҳ... Зулайҳо!.. Умид ҳулкари!.. Сенинг хаёлинг билан яшамоқ учун мана шундайин кечага ўхшаган қоп-қора зинданлар керакдир. Аҳмоқ англизлар мени қўрқитғани бу ерда қамабурлар. Боқ, бу ерда сенинг хаёлингдан бошқа нарса топилмайдур. Шунинг учун бу ер зиндан эмас, умид боғидир.

Оҳ... Зулайҳо!... Армон юлдизи, сени тушуниб турмоқ учун мана шундайин ер ости қамоқлари тейишидир. Тентак англизлар... мени йўлдан қайтарғали бу ўринга тиқмишлар! Сенинг қайгуларинг била дардлашурға бу ердан ўнгайроқ ўрин йўқдир. Шунинг учун бу ер қамоқ эмас, тинчлик учмохидир. (*Сув ичмак учун қумғонни оғзига яқинлатғач, Зулайҳонинг хаёли узоқдан кўринур.*)

Кел, севгилим, кел!.. Бу ерда сендан бошқа кимса йўқ... Бу ерда сендан бошқани истамаймен... кел!.. (*Хаёл яқинлашмоқ истар.*) Йўқ... келма... бу ерга кирма... бу ер англиз қамоғидир... Сенинг учун ярашмайдир... Сенинг юрting бўлғани учун Ҳиндистон ўлкасини кирли англизлардан аритмоқ истаған мен ўзингни англиз зинданнода кўрмак истамам.

*(Хаёл кетар.)* Кет... малагим, кет!.. Севги бутоғлари бўлған оёғларингни ўпган Ҳиндистон ерини тамуғ йилонлариға ухшаган англиз оёғларин остинда кўрмак меним учун уядир, бунга кўнмам! У кирли оёқларни бу ўғури ердан чиқарғанча тиришамен.

Зиндан эшиги очилур. Сарвар билан зинданчи киарлар.

**Сарвархон.** (*Киар-кирмас Нуриддиннинг қўлинда қумғонни кўриб, телбалик билан.*) Сақла қўлингни, Нуриддин!

Нуриддин обдираб Сарвархонга қарап.

**Нуриддинхон.** Оҳ, ўртоғим, сени қаерға қамадилар?

**Сарвархон** (*югуриб келиб қумғонни Нуриддиндан олиб, ерга қўяр.*) Шу қумғондан сув ичдингми, йўқми?

**Нуриддин** (*обдираган бир йўсинда.*) Йўқ, ичганим йўқ!

**Сарвархон.** Уҳ... Алҳамдулилоҳ.

**Нуриддин.** Нечун сўрадинг?

**Сарвархон.** Шу кун Шерхонни(нг) сенга ичирмоқ учун оғу олиб келганини онглаған эдим. Бундан бир соат бурун ёнингдан чиқиб кетганини бир киши сўйлади.

**Нуриддинхон.** Сени қачон чиқардилар?

**Сарвархон.** Мени бир ой қамагандан кейин қўйиб юборған эдилар. Мен сени қутқармоқ учун келдим.

**Нуриддин.** Меними?!

**Сарвархон.** Тингла! Ҳиндистон яшурин қўмитасининг Деҳли ўрта шўъбаси сени қутқарурға қарор берди. Сенинг каби юксак тушунчали бир юрт шоирининг ёвуз ёвларнинг зинданларинда ётишинг қўмитамиз учун уядир. Қўмита сени бу қоронбуликдан чиқарғали бор кучи билан тиришди. (*Зинданчни кўрсатиб.*) Мана шу кишининг кўнглини топиб, сени қочириурға кўндириди. Бу киши сени шул чоғда қочирғусидир. Ҳайда, ўртоғим, ерингдан қўп!

**Нуриддинхон.** Ҳозирми?

**Сарвархон.** Ҳозир.

**Нуриддинхон.** Ғуломҳайдархонни неттилар?

**Сарвархон.** Ул киши етти кун ётиб чиқди.

**Зинданчи.** Хон соҳиб! Вақт ўтмағай, туриңгиз.

**Нуриддинхон.** (*Катдан тушиб.*) Бу ердан қочуб, қаерға борурмен?

**Сарвархон.** Тўғри Каримбахшоннинг боғига борурмиз. Шунда сенинг учун ёширин бир уй тайёрланди.

Нуридинхон (улусга қараб, севинч билан). Қайғурмангиз, золим англиз остинда эзилғанлар, қоп-қоронғу кечангизнинг тонги бордур.

Чиқиб кетарлар.

Парда тушар.

## БЕШИНЧИ ПАРДА

Кечқурун. Каримбахшоннинг уйи, эшиги сўл ёқда, бири соғда. Иккиси қаршусида боғчага очилган уч деразаси бор. Уй электрик лампалари билан безанған, ўттада узун бир мосо, теграсинда ўн икки ўриндиқ тизилган. Соғ ёқдаги теразанинг ёнида бир ўриндиқда Нуридинхон ўтурған ҳолда ботиб турған қүёшни томоша қиласлар.

Нуридинхон (ботиб турған қүёшға). Бояқишиш қүёш! Кутинг ўчмиш, қип-қизил олов чечаги бўлған юзинг куз япроқларидек сарғайиб қолмиш. Ниннидайин умид тонгларинда кула-кула чиққандан кейин, умидсизлиқ қоронғуси остинда сарғайиб ботишингни(нг), билмам, неchanчи дафъаси бўлди? Ер юзининг энг қоронғу пучмоқларинда инсонлар томониндан ишланған энг ўшурин қонли ўйинларнинг барчасини очиб кўра олған сен; бир муаррих бўлса эдинг, буларнинг ҳаммасини олтун ёзғуч билан ёзар эдинг!..

Халқнинг ҳақсизлиғдан устунлиғи мангулик бир иш бўлса эди, сенинг ер юзиндағи ҳукуматинг оралиқсиз ва туганмас бўлар эди. Ҳолбуки, ўн икки соатдан кейин ўз таҳтингни қоронғулиқнинг оёқлари остиға ташлаб қоча турибсен. Ер юзининг ҳукуматини милйўн-милйўн йилдан бери қоронғулиқ билан улашиб олмоқға кўниб туришинг ҳақнинг-да, ҳақсизлиқнинг-да, мангулик устунликларига ишонғанлар учун қаттиқ бир таёқдир. Лекин, ким онглар?!

Зулайҳо бир ёндан кўринади. Секин-секин келиб, Нуридиннинг боши узра унинг ҳолига маҳтал бўлиб турар.

Чиқасен, курашасен, енгиласен, бир оздан кейин янгидан бош кўтариб, ер юзин ёритасен, зулмға қаршу курашганлар сендан сабоқ олсунлар. Қуёш бўйла чиқишилар, енгиб-енгилишлар билан очунда бир нарсанинг мангулик бўлмағанин кўрсатиб турар экан, шуни билиб кўйки, менинг юрагимдаги олов Зулайҳонинг севгиси мангулиқдир! Сенинг бўйла чиқиб, ботишинг, унинг мангулик бўлғанин буза олмас. Негаки, сен ўзинг Зулайҳо чиқған ўринга этиша олмағансан. Оҳ, Зулайҳо... на гўзалсен!

**З у л а й ҳ о** (*ошиқ товуш билан*). Нуридинхон!  
**Н у р и д д и н х о н** (*сесканиб турар*). Оҳ... Сизми?.. Бую-  
рингиз.

Ўтиарлар.

**З у л а й ҳ о**. Бу ерда ёлғизғина нималар тушуниб турасиз.  
**Н у р и д д и н х о н**. Ҳеч!..  
**З у л а й ҳ о**. Қуёш биланми гапуриша эдингиз?!

**Н у р и д д и н х о н** (*бујок бир юрак изтироби билан*). Сизни  
кўрмагач, ундан бошқа ким билан гаплашай!

**З у л а й ҳ о**. Шоирлиқ...  
**Н у р и д д и н х о н**. Ишқнинг энг яқин йўлдоши.  
**З у л а й ҳ о**. Юрак ёнғинининг алангаси, десак ҳам бўлур.  
**Н у р и д д и н х о н**. Шеърнинг нима эканлигини кўб  
яхши биласиз.

**З у л а й ҳ о**. Ишқни(нг) билғаним каби.

Бир-бирининг кўзларига ошиқона қараплар.

**Н у р и д д и н х о н**. Оҳ... Зулайҳо!..

**З у л а й ҳ о**. Оҳ... Нуридин!..

**Н у р и д д и н х о н**. Буюр!..

**З у л а й ҳ о**. Кўкка боқ, қандай тиник!

**Н у р и д д и н х о н**. Меним севишим каби.

**З у л а й ҳ о**. Кел, ернинг бу булғаниқ ҳавосиндан ўзи-  
мизни қутқарайлик. Иккимиз қўлни-қўлга бериб учайлик,  
учайлик... Қуёш эришмаған ўринларғача юксалайлик!..

**Н у р и д д и н х о н**. Оҳ... саодат!..

**З у л а й ҳ о**. Яратилмаган бир нарса!..

**Н у р и д д и н х о н**. Сен билан уча билмак учун хаёл  
бўларга тейиш!.. Зулайҳо!.. Сен жонлар дунёсининг ер узра  
қўнған бир кўгарчинисен... Сен билан юксала олғали жон  
бўларга керак. Йўқ, Зулайҳо, сен билан юксалурға меним  
кучим етмас. Сен қол! Ер юзинда турайлик. Сенинг учун  
гўзал Ҳиндустонимизни тозартайлик. Малъун англизларнинг  
қонли оёқларини бу учмоҳ боғчасиндан чиқарайлик. Малак  
турған ерда шайтон юра олмағандек, сен юрган ерда анг-  
лиз тура олмасин.

**З у л а й ҳ о**. Оҳ... англизларни Ҳиндустондан чиқармоқ  
на гўзал бир сўз! Бироқ гўзаллигича қийинлиги ҳам бор!  
Икки-уч кишининг қўлидан келмас бир иш!

**Н у р и д д и н х о н**. Икки-уч кишими? Бугун Ҳи-  
тонда англизларга қаршу икки-уч милйўн киши бор  
сини айтганда, бутун Ҳиндустон улуси англиз-  
моқ истайлар.

Зулайҳо. Хаёл...

Нуридинхон. Ҳақиқатнинг уругидир!

Зулайҳо. Бутун Ҳинд улуси чин бир иймон билан англизларни қувмоқ истасайдилар, англизлар бу кунгача қувилған бўлар эдилар: негаки, очунда иймондан ёритгучироқ бир нарса йўқдир.

Нуридинхон. Зулайҳо! Ишонмайсен, қўмитамизнинг мана шу кечаги йигинимиз муҳимми?

Нуридинхон. Муҳим, деялар.

Сарвархон кирав.

Сарвархон. Кирсак бўлурми?

Нуридинхон, Зулайҳо (*ўринларидан туриб*).  
Буюрсинлар, хуш келдингиз. (*Қўришурлар*.) Ўтирингиз!  
(*Ўтирурлар*.)

Сарвархон. Қалайсиз? Эсонларми?

Зулайҳо. Яхшиби.

Нуридинхон. Нелар бор?

Сарвархон. Тинчлик.

Нуридинхон. Янги бир нарса эшитмадингми?

Сарвархон. Ҳукуматнинг турмасидан қочғанинг учун сенинг ўлимингни буюрмишлар.

Нуридинхон. Ўзларининг-да ўлим чоғлари етишган!

Сарвархон. Қўмита аъзолари келмайларми?

Нуридинхон. Мана биз уч киши бўлдик. Қолганлар-да келгусидирлар (*эшикка қараб*). Мана, келалар.

Қўмита раиси салом бериб қелар. Қўришиб барчалари мосо теграсинда ўтиарлар.

Раис. Ҳукуматимизнинг тебранишлари ёмон!

Нуридинхон. Сўнг нафас тебранишлари шундай бўладур.

Раис. Сенга қаршу буйруқлари...

Нуридинхон. Уларга қаршу буйруғим каби...

Яна бир аъзо салом бериб кирав ва мосо ёнинда ўтиар.

Бир аъзо. Шу эрта осилған уч кишининг ҳоллари бутун халқнинг қонини қайнатди.

Нуридинхон. Нима? Янами уч кишини осдилар?

Раис. Ҳа! Уч кишини ҳинд ёширин қўмитаси аъзоси деб осдилар.

Нуридинхон. Қайси шўъбанинг аъзосиндан эканлар?

Раис . Ким биладир?!

Нуридин хон . Хон, сўз ола билмишларми, йўқми?

Раис . Қўб қийин қийнамишлар, сихларни қизартиб кўзларига тиқмишлар.

Зурайҳо . Оҳ, ёвузлар!

Раис . Бироқ сўз ола билмамишлар, энг сўнг ўзларини чиқариб осмишлар.

Яна бир аъзо келиб ўтирас.

Аъзолардан бири . Кўбчилик келдилар. Мажлисни очсак-да бўлар.

Раис . Бир оз кутамиз.

Каримбахшон келар, салом бериб ўтирас.

Каримбахшон . Баримиз келдикми?

Раис . Келдик. Эмди мажлисни очамиз. (*Ҳамма ҳозир бўлалар*) Орқадошлар! Бутун йўлдошларимиз келдилар. Мажлисни очамен. (*Йигин ёзгучиси бўлған Сарвархон ёза бошлар*.) Бу кунги ишимиз Бутун ҳинд инқилоб қўмитасининг Деҳли ўрта шўъбаси томонидан келган умумий буйруқни кўриб, тегишли чораларга киришмакдир. Буйруқни ўқияйин:

«Бутун ҳинд инқилоб қўмитаси томонидан Деҳли ўрта шўъбаси орқали бутун шўъбаларга.

Йўлдошлар! Бугунгача англизларни Ҳиндустондан чиқармоқ учун қўмитамиз томонидан очиқ-яширин йўллар билан кўрилган ишлар натижасиз қолди. Англиз қонли тирноғи юрту улусимиз юрагинда очдиги яралар кенгайиб кетмакдадир. Қизларимизнинг пардасизланиши, пардаларимизнинг йиртилиши, виждонларимизнинг эзилиши, қонларимизнинг тўкилиши етар эмди<sup>18</sup>.

Тўрт юз милийўнли бир улуф улуснинг тулки қилиқли ўн минг англиз маъмурига қул бўлиб туриши мияларга сифмас бир ишдир. Бу қизиқ ишни кўрган тарихнинг даҳи бизнинг инсон бўлғанимизга ишонғуси келмайдир. Қўмитамиз улуф ҳинд улуснинг манглайндан бу кирли тамғани ювиб ташларга қарор берди.

Эшитгучилар бир-бирига қараб севинч белгилари кўрсатарлар.

Қўмитамиз бир-икки бўмба ташламоқ, икки-уч генерал ўлдирмоқ, Оврупанинг қайси бир ҳукуматига ёлбормоқ каби кичкина ишларни улуф ҳинд эрки учун етарли кўрмайдир.

Эшитгучиларда севинч белгилари.

Улуғ ҳинд улуси ўз юртини қутқармоқчи экан, барчаси бирдан тұлқинли бир чиқишиң қылсын. Ёқсын, ёқилсін, йиксін, йиқилсін, үлдірсін ва ўлсын. Гүзал юртимиз англизлар құлинда қолар экан, түрт юз милийүн улусимизнинг жонсиз ва қонли гавдалари билан қосын.

Әшитгүчиларда севинч.

Құмитамиз бутун Ҳиндустонда апрел ойининг йигирма еттисинде бир кунлик чиқиши ясамоққа қарор берди. Шу куннинг кечасинда Ҳиндустоннинг ҳар бир катта шаҳарининг икки-уч еринде бўмбалар портлар. Бўмба товуши чиққач, бутун инқилобчи қардошларимиз яроқларини олиб, кўчага чиқсинлар. Англизлар ва англизларға қўйруқ бўлған бошқаларни ўлдираберсинглар. Эрк ё ўлим!

Сарвархон (сўз олиб). Орқадошлар! Құмитамизнинг бу гўзал қарорини виждан ёзгучи билан жон бетинда ёзармиз. Биз, инқилобчилар...

Шу чоғда ташқаридан бир тўппонча товуши чиқар: аъзолар обдираб қолалар. Бир оздан кейин яна бир тўппонча товуши чиқар.

Раис (қўрқувсизча). Орқадошлар! Бизни босарлар. Со-вуқонли бўлингиз. Тўппончаларингизни чиқарингиз, келганларга қаршу турамиз. Ўламиз-да, берилмаймиз. Биз ўлсак, құмитанинг ишлари очилмай қолар. Биз қўлга тушсак, құмитанинг асрорини биздан оларға тиришарлар.

Аъзолар тўппончаларини чиқариб, ўқларини кўярлар.

Раис (қўмитанинг буйргуни йиртиб, икки-уч кишига улашиб беради). Ютингиз буларни!

Аъзолар олғанларини ютарлар, яна бир тўппончада товуш яқиндан чиқар. За й на б телба бўлиб қичқирап, «вой... ўлдим» деб, югуриб кирап. Аъзолар кўркув кўрсатмай турарлар.

Раис. Нима бўлди?

За й на б. Пўлислар босдилар, бунда келдилар...

Раис. Бу теразадан чиқиб қочингиз.

Зайнаб теразадан қочар.

Раис (Зулайҳога.) Зулайҳо хоним, сизнинг-да қочишингизни ўтинаман.

Зулайҳо. Мен қўмита аъзосиданмен.

Раис. Ҳозир бўлингиз, орқадошлар!

Раҳматуллоҳхон билан бир англиз юзбошиси киарлар. Нурилдин бўшатган тўппончаси билан бир англиз юзбошчиси «воҳ» деб йиқилар. Раҳматуллоҳхон қочар. Ташқаридан ғавғо чиқар. Яна

Шерхон билан икки пўлис киарлар. Икки аъзонинг отган тўппончасидан Шерхон билан бир пўлис йиқиларлар. Бириси қочар.

Ташқаридан ғавғо кўпаяр. Буюрувчи билан товуш чиқар.

Т о в у ш . Б оғчадағи теразалардан юрингиз!  
Н у р и д д и н х о н . О ҳ ... юртими сотған олчоқ!  
Р а и с . Телба бўлмангиз, орқадошлар! Икки киши бир эшикка қараб турсин.

Аъзолар икки кишидан бўлиб, эшик ва тераза ёнлариға тизилурлар. Уч пўлис ўзларини теразалардан ичкарига ташлаб, тўппончаларини бўшатурлар. Каримбахшон билан икки аъзо «воҳ» деб йиқилурлар. Яна уч пўлис теразадан ичкарига кириб, тўппончаларини бўшатурлар. Раис, аъзо йиқилур. Ичкаридагиларнинг тўппончалари билан буларда йиқилурлар.

Р а и с (йиқилар экан). Орқадошлар! Сўнг сўзимни унумангиз... ўлингиз-да... берилмангиз... (Йиқилар.)

Яна тўрт пўлис ичкарига кириб, тўппончаларини бўшатурлар. Нуриддин «воҳ» деб йиқилар. Зулайҳо «Оҳ Нуриддин, мени олиб кет» деб, ўзини Нуриддин узра ташлар. Сарвархон билан пўлисни урар, иккинчиси Сарвархонни урар. Та什қаридан уч пўлис, бир юзбоши билан Раҳматуллоҳон босиб киарлар.

Ю з б о ш и . Б и т д и н г и з м и ? ! Давлат хоинлари!

З у л а й ҳ о . Й ў қ б и т м а д и к , яна б и р и м и з б о р . (Тўппончасини бўшатур, ўқ юзбошига тегмасдан ўтар.)

Ю з б о ш и (пўлисларга). Тутингиз буни.

Пўлислар тутмоқчи бўларлар.

Р а ҳ м а т у л л о ҳ о н (Зулайҳога ёпишиб, юзбошига). Й ў қ ... ўтинамен, бунга ишингиз бўлмагай. Бу менинг севгилиmdir.

Ю з б о ш и (қизиб). Нима?.. Кўмитачи хотунми сенинг севгилиинг? (Тўппончасини бўшатиб.) Ол, бу-да сеники.

Раҳматуллоҳон «воҳ» деб йиқилар.

З у л а й ҳ о . Юртими сотған олчоқ! Энг сўнг ўзинг-да кетдинг!

Пўлислар Зулайҳони тутарлар.

Ю з б о ш и . Чиқарингиз буни, қолған йўлдошларини топиб берар.

Пўлислар Зулайҳони итариб чиқарарлар.

З у л а й ҳ о . (Чиқар экан.) Менданми сўз олмоқчисиз?! Йиртқичлар!.. (Чиқар экан, Нуриддиннинг жонсиз ётған гавдасига қалин бир мунг билан қарап.) Оҳ, Нуриддин... (Ўзини Нуриддин устига ташламоқчи бўлар, пўлислар қўймасдан суреб чиқарурлар.)

Парда тушар.

С ў н г .